

BWRDD GWASANAETHAU CYHOEDDUS CONWY A SIR DDINBYCH

Cofnodion cyfarfod Bwrdd Gwasanaethau Cyhoeddus Conwy a Sir Ddinbych a gynhaliwyd yn Siambr y Cyngor, Bodlondeb, Conwy, LL32 8DU, ddydd Mawrth, 18 Medi 2018 am 9.30 am.

YN BRESENNOL

Bethan Jones, (Cadeirydd) - Bwrdd Iechyd Prifysgol Betsi Cadwaladr
Y Cynghorydd Gareth Jones – Cyngor Bwrdeistref Sirol Conwy
Y Cynghorydd Julian Thompson-Hill (yn lle Hugh Evans) - Cyngor Sir Ddinbych
Dr Evan Moore - Bwrdd Iechyd Prifysgol Betsi Cadwaladr
Iwan Davies – Cyngor Bwrdeistref Sirol Conwy
Judith Greenhalgh – Cyngor Sir Ddinbych
Siân Williams – Cyfoeth Naturiol Cymru
Simon Smith (Prif Swyddog Tân a Phrif Weithredwr)
Helen Wilkinson – Cyngor Gwasanaethau Gwirfoddol Sir Ddinbych
Yr Uwcharolygydd Siân Beck – Heddlu Gogledd Cymru
Yr Uwcharolygydd Neil Harrison– Heddlu Gogledd Cymru
John Humphries (yn lle Sioned Rees) – Cynrychiolydd Llywodraeth Cymru
Wendy Jones – Cefnogaeth Gymunedol a Gwirfoddol Conwy

SWYDDOGION

Nicola Kneale - Rheolwr Cynllunio Strategol (Cyngor Sir Ddinbych)
Fran Lewis - Rheolwr Perfformiad a Gwelliant Corfforaethol (CBS Conwy)
Megan Vickery – Swyddog Ymgysylltu (BIPBC Canolog)
Angela Loftus – Rheolwr Cynllunio a Gwarchod Y Cyhoedd (Cyngor Sir Ddinbych)
James Harland - (Rheolwr Polisi Cynllunio Strategol) (CBS Conwy)
Shân Morris – Prif Swyddog Cynorthwyol (Gwasanaeth Tân ac Achub Gogledd Cymru)
Stephanie Jones – Gweinyddwr Pwyllgorau (Cyngor Sir Ddinbych)

1 YMDDIHEURIADAU AM ABSENOLDEB

Andy Jones (Y Gwasanaeth Prawf Cenedlaethol)
Gary Doherty - Bwrdd Iechyd Prifysgol Betsi Cadwaladr
Sioned Rees – Cynrychiolydd Llywodraeth Cymru
Teresa Owen – Bwrdd Iechyd Prifysgol Betsi Cadwaladr (Cynrychiolydd Iechyd Cyhoeddus Cymru)
Y Cynghorydd Hugh Evans – Aelod Arweiniol Cyngor Sir Ddinbych

2 COFNODION Y CYFARFOD DIWETHAF

Cyflwynwyd cofnodion cyfarfod Bwrdd Gwasanaethau Cyhoeddus Conwy a Sir Ddinbych a gynhaliwyd ar 19 Mehefin 2018 i'w cymeradwyo.

PENDERFYNWYD y dylid cymeradwyo cofnodion cyfarfod Bwrdd Gwasanaethau Cyhoeddus Conwy a Sir Ddinbych a gynhaliwyd ar 19 Mehefin 2018.

3 MATERION YN CODI

a. Y Wybodaeth Ddiweddaraf am y Bwrdd Gwasanaethau Cyhoeddus a'r Bwrdd Partneriaeth Rhanbarthol

Tynnwyd sylw'r aelodau at y ffaith bod y llythyr atodedig wedi gofyn am adborth aelodau o ran rôl y Bwrdd Gwasanaethau Cyhoeddus.

Cadarnhawyd bod adolygiad o Fwrdd Rhan 9 wedi'i gynnal a bod adroddiad wedi'i drefnu ar gyfer cyfarfod nesaf y Prif Weithredwr.

Yn dilyn trafodaethau daeth y pwyllgor i'r casgliad i ohirio ymateb i lythyr Comisiynydd Cenedlaethau'r Dyfodol Cymru nes bod gwybodaeth o'r cyfarfod Grŵp Prif Weithredwr wedi'i derbyn.

***PENDERFYNWYD**, yn dilyn y cyfarfod Grŵp Prif Weithredwr i drafod adolygiad Rhan 9, aelodau i drafod y canlyniadau ac ymateb i lythyr Comisiynydd Cenedlaethau'r Dyfodol Cymru.*

b. Diweddariad Craffu'r Bwrdd Gwasanaethau Cyhoeddus

Cadarnhawyd bod Cyngor Bwrdeistref Sirol Conwy a Chyngor Sir Ddinbych wedi derbyn ac archwilio'r cynnig am Gydbwyllgor Craffu. Amlygwyd mai cam nesaf y datblygiad oedd derbyn cymeradwyaeth ffurfiol gan Gyngor Llawn Conwy a Chyngor Llawn Sir Ddinbych. Yn dilyn y penderfyniad hwnnw, byddai'r materion ffurfiol o greu cydbwyllgor yn dechrau. Roedd disgwyl, pe bai'r trefniadau cyd-graffu yn cael eu cymeradwyo, y byddai'r pwyllgor yn cwrdd am y tro cyntaf yn y flwyddyn ariannol newydd.

c. Dyddiad ar gyfer y Dyddiadur – Sesiwn Datblygu 'Byrddau Iechyd'

Rhoddodd Nicola Kneale (Cyngor Sir Ddinbych) wybod i'r aelodau mai'r dyddiad a gadarnhawyd ar gyfer gweithdy Academi Cymru oedd prynhawn dydd Llun, 28 Ionawr 2019.

Gofynnodd y Cadeirydd i aelodau ymgynghori â swyddogion a pharatoi barn a chwestiynau cyn y gweithdy.

4 ADRODDIAD 'FUTURES FOR WALES'

Cyflwynodd Fran Lewis - Rheolwr Perfformiad a Gwelliant Corfforaethol (CBS Conwy), yr adroddiad ar 'Futures for Wales'.

Hysbyswyd yr aelodau bod yr adroddiad wedi'i gyhoeddi o'r blaen ac wedi cynnwys 14 argymhelliad a oedd wedi'u hanelu at y Byrddau Gwasanaethau Cyhoeddus. Roedd yr adroddiad cryno yn cynnwys y cynllun hirdymor ar gyfer Cymru. Archwiliodd yr aelodau'r crynodeb gweithredol yn fanwl.

Eglurodd y Cadeirydd mai pwrpas yr adroddiad oedd hysbysu'r Byrddau Gwasanaethau Cyhoeddus o waith a fydd yn siapio Cymru yn y dyfodol. Mae'r sefyllfa bresennol yn ei gwneud yn anodd ystyried dyheadau'r dyfodol.

Roedd aelodau'n ddiolchgar iawn o'r adroddiad ac o'r farn bod gwybodaeth blaengynllunio yn bwysig. Pryder a fynegwyd gan yr aelodau oedd nad oedd enghreifftiau o'r hyn y gallai ddigwydd yn y dyfodol wedi'u cynnwys yn yr adroddiad os yw rhai agweddau'n newid. Teimlwyd y byddai hyn yn bwysig er mwyn cael dealltwriaeth gynhwysfawr.

Dywedodd Helen Wilkinson Cyngor Gwasanaethau Gwirfoddol Sir Ddinbych y gallai sawl ffactor newid a dylanwadu ar y dyfodol a bod angen ystyried y ffactorau hyn a'u hymchwilio ymhellach. Gwirfoddolodd Helen Wilkinson, os oedd yr aelodau'n gytûn, i wneud gwaith ar gynllunio sefyllfaoedd ar gyfer y dyfodol ac adrodd ei chanfyddiadau yng nghyfarfod y Bwrdd Gwasanaethau Cyhoeddus yn y dyfodol.

Diolchodd y Cadeirydd i Helen Wilkinson am y cynnig a chytunodd yr aelodau i'r gwaith arfaethedig ar gynllunio sefyllfaoedd ar gyfer y dyfodol.

PENDERFYNWYD

- i. y dylid derbyn y diweddariad a nodi'r cynnwys.*
- ii. cynnal gwaith pellach ar gynllunio sefyllfaoedd ar gyfer y dyfodol ac adrodd yn ôl mewn cyfarfod yn y dyfodol.*

5 DIWEDDARIAD AR GYNNYDD BLAENORIAETHAU'R BWRDD GWASANAETHAU CYHOEDDUS

Darparwyd diweddariad ar gynnydd y blaenoriaethau fel a ganlyn –

i. Pobl – Lles Meddyliol

Rhoddodd Siân Williams, Cyfoeth Naturiol Cymru, wybod i'r pwyllgor y byddai diweddariad, mewn perthynas â gweithdy sydd i ddod, yn cael ei roi yng nghyfarfod nesaf y Bwrdd Gwasanaethau Cyhoeddus. Eglurwyd i aelodau bod heriau wedi codi wrth gysylltu ag asiantaethau ehangach am gymorth i gydlynu'r gweithdy.

ii. Cymuned – Grym Cymunedol

Rhoddodd Nicola Kneale (Cyngor Sir Ddinbych) wybod i aelodau'r Bwrdd Gwasanaethau Cyhoeddus am y broses a ddilynwyd i ddatblygu'r camau nesaf yn y flaenoriaeth Grym Cymunedol. Cynhaliwyd gweithdy ym mis Mehefin gan Gyngor Sir Ddinbych gyda chefnogaeth gan Wasanaethau Gwirfoddol yng Nghonwy a Sir Ddinbych. Tywyswyd aelodau drwy adroddiad ac atodiadau (a ddosbarthwyd yn flaenorol) a chyfeiriwyd yn benodol at y 3 argymhelliad a oedd wedi'u cynnwys yn yr adroddiad

Ychwanegodd Judith Greenhalgh (Cyngor Sir Ddinbych) y byddai'r gwaith hwn yn ychwanegu gwerth at waith blaenoriaeth y Bwrdd Gwasanaethau Cyhoeddus heb ddyblygu unrhyw waith sydd wedi'i gwblhau.

Trafododd yr aelodau'r effaith o 'ragnodi cymdeithasol' yn fanwl, a theimlwyd y byddai angen gwell dealltwriaeth o waith partneriaid ehangach yn y maes hwn i asesu sut y gallai'r Bwrdd Gwasanaethau Cyhoeddus ychwanegu gwerth a chynnig cefnogaeth yn y maes hwn. Gofynnodd y Cadeirydd bod gwaith pellach yn cael ei wneud i gael trosolwg o ragnodi cymdeithasol yn y rhanbarth a nodi unrhyw drefniad llywodraethu sydd ar waith.

Cytunwyd gan aelodau bod llawer o waith wedi'i wneud ar Rymuso'r Gymuned. Diolchwyd i Nicola Kneale a Judith Greenhalgh (Cyngor Sir Ddinbych) am yr wybodaeth fanwl a ddarparwyd. Cytunwyd bod angen gwneud gwaith ac ymchwil pellach.

iii. **Lle – Gwydnwch Amgylcheddol**

Rhoddodd Fran Lewis (Cyngor Bwrdeistref Sirol Conwy) wybod i'r aelodau bod gweithdy wedi'i gynnal yn amlygu'r camau gweithredu arfaethedig ar gyfer darparu Gwydnwch Amgylcheddol. Arwain aelodau drwy Gynllun Cyflawni 2018/19 a'r syniadau a'r camau gweithredu a awgrymir. Daeth nifer o bobl i'r gweithdy ac fe gafwyd cyfraniadau gwerthfawr iawn. Mae angen gwneud gwaith pellach i ddatblygu perthynas waith gadarn gyda sefydliadau. Cadarnhaodd Fran Lewis bod angen gwneud gwaith ac ymchwil pellach a bod angen cyflwyno mwy o wybodaeth i'r Bwrdd Gwasanaethau Cyhoeddus, yn amlygu'r mesurau cyflawniad.

Trafododd yr aelodau yr angen i lobio'r pryderon a godwyd i Lywodraeth Cymru ac aelodau lleol o'r Senedd i amlygu gwaith y Bwrdd Gwasanaethau Cyhoeddus.

Codwyd pryderon ynghylch amddiffynfa fôr ac isadeiledd, yn benodol o ran Hen Golwyn yn Sir Conwy. Cadarnhaodd y Cadeirydd bod angen i'r Fforwm Lleol Cymru Gydnerth ymchwilio i bryderon o ran isadeiledd a chwblhau asesiad risg er mwyn canatau i'r Bwrdd Gwasanaethau Cyhoeddus drafod.

Diolchodd y Cadeirydd i'r holl swyddogion am eu gwaith hyd yma ar y blaenoriaethau a'r wybodaeth a ddarparwyd.

PENDERFYNWYD nodi cynnydd y blaenoriaethau a darparu gwybodaeth gefndirol a gwybodaeth bellach ar

- I. Ragnodi cymdeithasol - cael trosolwg o ragnodi cymdeithasol yn y rhanbarth a nodi unrhyw drefniad llywodraethu sydd ar waith.*
- II. Cefndir i'r 3 argymhelliad Grymuso Cymunedol*
- III. Gwydnwch Amgylcheddol – cael mwy o wybodaeth ar yr amddiffynfeydd môr yn Hen Golwyn a chysylltu â'r Fforwm Lleol Cymru Gydnerth.*

Ar y pwynt hwn cytunodd yr aelodau i newid trefn yr adroddiadau er mwyn caniatáu ar gyfer siaradwyr gwadd.

6 TROSOLWG O GYNLLUNIAU DATBLYGU LLEOL AR GYFER CONWY A SIR DDINBYCH

Cyflwynodd James Harland (Cyngor Bwrdeistref Sirol Conwy) ac Angela Loftus (Cyngor Sir Ddinbych) y wybodaeth ddiweddaraf ar Gynlluniau Datblygu Lleol Conwy a Sir Ddinbych.

Eglurwyd i aelodau bod gan Conwy a Sir Ddinbych ofyniad statudol i gael cynllun datblygu lleol. Roedd y ddau Gyngor ar y camau cyntaf o'u datblygu. Eglurodd James Harland y byddai cam cyntaf Conwy yn cynnwys ymgynghoriad tua diwedd 2018 i nodi unrhyw fater a pharatoi ar gyfer datblygiad pellach. Roedd angen i'r weledigaeth a'r amcanion fod yn unol â gofynion a pholisïau. Adleisiodd Angela Loftus yr uchod, gan bwysleisio proses hir a hynod reoledig y Cynllun Datblygu Lleol. Hysbyswyd yr aelodau bod grŵp Cynllunio Strategol wedi'i sefydlu yn Sir Ddinbych i fonitro gwaith.

Roedd Conwy a Sir Ddinbych wedi gofyn am dystiolaeth o safleoedd posibl i'w datblygu gan y cyhoedd. Roedd gwaith i hyrwyddo'r cais hwn wedi bod yn mynd rhagddo.

Cadarnhaodd James ac Angela y byddent yn parhau i hysbysu'r Bwrdd Gwasanaethau Cyhoeddus o ran y datblygiadau drwy gydol y broses.

Codwyd sawl mater yn ystod y drafodaeth, gan gynnwys -

- Bydd blaenoriaeth y Bwrdd Gwasanaethau Cyhoeddus yn cynnwys gofal dementia yn y gymuned – cadarnhawyd y byddai prosiectau cymunedol a phrosiectau ar gyfer pobl hŷn yn cael eu sefydlu a'u cynnwys yn y polisi cynllunio.
- Adwerthwyr bwyd brys - cadarnhaodd swyddogion bod canllaw cynllunio atodol wedi darparu gwybodaeth ar newid dosbarthiadau ar gyfer adwerthwyr bwyd. Bu'n anodd ei reoli gan fod newidiadau i ganiatâd cynllunio wedi'i gwneud yn haws i roi caniatâd.
- Bodelwyddan – Cadarnhawyd bod y safle o fewn y Cynllun Datblygu Lleol a bod caniatâd cynllunio wedi'i roi. Roedd y safle wedi bod yn gysylltiedig â'r Cynnig Twf ac roedd monitro wedi parhau.
- Meddygfeydd – cadarnhawyd eu bod yn cael trafferth cael gwybodaeth ar Feddygfeydd.

Diolchodd y Cadeirydd i'r swyddogion am eu hamser ac am ateb y pryderon a godwyd gan aelodau. Cytunwyd y byddai diweddariad pellach yn cael ei roi ar adeg ddiweddarach o'u datblygu.

PENDERFYNWYD

- i. bod aelodau'n derbyn ac yn nodi'r diweddariad.*

- ii. *bod amserlen y Cynllun Datblygu Lleol yn cael ei dosbarthu i Aelodau.*
- iii. *bod swyddogion y Cynllun Datblygu Lleol yn cysylltu â'r Cadeirydd ynglŷn â gwybodaeth ar Feddygfeydd.*

Ar y pwynt hwn (11.30 a.m.) cafwyd egwyl o 15 munud.

Ailddechreuodd y cyfarfod am 11.45 a.m.

7 YMGORFFORI BLAENORIAETHAU/ GWAITH Y BGC MEWN SEFYDLIADAU AELOD

Gofynnodd Fran Lewis (Cyngor Bwrdeistref Sirol Conwy) i aelodau gynorthwyo â'r gwaith o sefydlu blaenoriaethau'r Bwrdd Gwasanaethau Cyhoeddus o fewn sefydliadau trydydd parti. Roedd cefnogi gwaith gan swyddogion ar y blaenoriaethau i adrodd yn ôl i'r Bwrdd Gwasanaethau Cyhoeddus yn allweddol.

Adleisiodd y Cadeirydd yr angen i bwysleisio blaenoriaethau'r Bwrdd Gwasanaethau Cyhoeddus gyda swyddogion. Tynnwyd sylw at y ffaith mai cyfrifoldeb aelodau oedd adrodd yn ôl i swyddogion arbenigol ar weithredoedd pwyllgor y Bwrdd Gwasanaethau Cyhoeddus i'w sefydlu o fewn moeseg gwaith dyddiol.

PENDERFYNWYD *bod aelodau'n derbyn ac yn nodi'r diweddariad.*

8 CYFLEOEDD CYLLIDO

Cyflwynodd y Cadeirydd ddiweddariad ar lafar ar gyfleodd cyllid ar gyfer y Bwrdd Gwasanaethau Cyhoeddus. Atgoffwyd aelodau o'r drafodaeth flaenorol a gafwyd yn ystod y cyfarfod diwethaf ym mis Mehefin. Casglwyd y gwaith ymchwil i'r cyllid sydd ar gael tra bod gwaith yn parhau i gael ei archwilio.

Cadarnhaodd y Cadeirydd bod Cyngor Bwrdeistref Sirol Conwy wedi'i gynnwys mewn cynllun peilot o gyllid hyblyg. Teimlwyd ei bod yn bwysig i'r Bwrdd Gwasanaethau Cyhoeddus dderbyn gwybodaeth o ran cynnydd y cynllun peilot.

Roedd trafodaethau â Llywodraeth Cymru o ran anhawster i sicrhau cyllid wedi parhau. Cytunwyd bod rhaid i'r gwaith ar flaenoriaethau'r Bwrdd Gwasanaethau Cyhoeddus fod yn gost- effeithiol a bod rhaid darparu tystiolaeth i Lywodraeth Cymru o'r anawsterau a wynebwyd.

PENDERFYNWYD *y dylid cofnodi'r pryderon cyllid a'u hadrodd yn ôl i'r Bwrdd Gwasanaethau Cyhoeddus i ddangos tystiolaeth o'r canfyddiadau i Lywodraeth Cymru. Gofynnodd yr aelodau a fyddai modd dosbarthu'r gwaith a oedd wedi'i gwblhau hyd yma ar y cyllid sydd ar gael ymhlith yr aelodau.*

9 CYNLLUN IECHYD A GOFAL CYMDEITHASOL

Fe wnaeth y Cadeirydd dywys yr aelodau drwy gyflwyniad o'r enw "Cymru Iachach". Dangosodd y cyflwyniad yr uchelgais i gyfuno gwasanaethu iechyd a gofal cymdeithasol. I ddiwallu anghenion unigolion mewn modd iach.

Roedd rhai o'r pwyntiau allweddol a amlygwyd i aelodau yn cynnwys:

- Rôl y Bwrdd Gwasanaethau Cyhoeddus
- Adolygiad o'r trefniadau llywodraethu
- Cronfa Drawsnewid £100m y gall y Byrddau Partneriaeth Rhanbarthol ei defnyddio i wneud cais am gyllid.

Pwysleisiodd y Cadeirydd yr angen i graffu ar flaenoriaethau'r Bwrdd Gwasanaethau Cyhoeddus i arddangos yr angen am gyllid i greu achos busnes i anfon ymlaen wrth wneud cais am gyllid ychwanegol.

Bydd clystyrau o sefydliadau o fewn y gymuned yn cydweithio'n agosach â'i gilydd i gefnogi a darparu gwasanaeth gwell i unigolion. Pwysleisiodd y Cadeirydd bod nifer o glystyrau yn weithredol o fewn Conwy a Sir Ddinbych ar hyn o bryd, byddai'n rhaid gwneud gwaith i weithio'n agosach yn y dyfodol.

Codwyd sawl cwestiwn mewn perthynas â'r gronfa drawsnewid, gan gynnwys sut fyddai'r gronfa yn effeithio ar waith y Bwrdd Gwasanaethau Cyhoeddus a'i flaenoriaethau. Pwysleisiodd y Cadeirydd wrth yr aelodau bod angen monitro datblygiad y cynllun ar gyfer Iechyd a Gofal Cymdeithasol

Diolchodd yr aelodau i'r Cadeirydd am y cyflwyniad a'r eglurhad manwl. Mynegwyd pryder gan yr aelodau o ran lefel yr adnoddau a staff o fewn Iechyd a'r Gwasanaethau Cymdeithasol. Daethpwyd i'r casgliad y byddai trawsnewid yn golygu llawer iawn o waith a byddai'n rhaid iddo fod yn gadarn. Cytunwyd y byddai cyllid yng Nghymru yn gadarnhaol ac yn symud gwasanaethau yn eu blaenau yn sylweddol. Cytunwyd y byddai'r Bwrdd Gwasanaethau Cyhoeddus yn monitro ac yn adrodd yn ôl ar ddatblygiadau sylweddol i aelodau.

PENDERFYNWYD y dylid derbyn, cofnodi a dosbarthu'r cyflwyniad a'r wybodaeth i aelodau. Dylai unrhyw ddatblygiad gael ei gyflwyno yng nghyfarfodydd y Bwrdd Gwasanaethau Cyhoeddus yn y dyfodol.

10 BLAENORIAETHAU INETRIM

a. Y 1000 diwrnod cyntaf

Dim diweddariad ar hyn o bryd.

b. Cyfathrebu

Rhoddodd Iwan Davies (CBSC) y wybodaeth ddiweddaraf i aelodau am y gwaith a oedd wedi'i wneud hyd yma o ran cyfathrebu'r Bwrdd Gwasanaethau Cyhoeddus a'i waith.

Codwyd y pwyntiau canlynol -

- Mae cyfarfodydd y Bwrdd Gwasanaethau Cyhoeddus bellach yn agored i'r cyhoedd (ac eithrio eitemau ar y rhaglen sydd wedi'u heithrio).
- Caiff crynodeb o gyfarfod y Bwrdd Gwasanaethau Cyhoeddus ei ddsbarthu ar ffurf newyddlen i bob sefydliad.
- Caiff cofnodion eu dosbarthu i bob aelod o'r Bwrdd Gwasanaethau Cyhoeddus er mwyn iddynt eu trafod o fewn eu sefydliadau.
- Caiff negeseuon cyfryngau cymdeithasol rheolaidd eu trefnu ar gyfrifon Facebook a Twitter Sgwrs y Sir. Mae'r cyfrifon hefyd yn rhannu negeseuon sefydliadol perthnasol
- Mae'r gallu i weithio yn adeiladau ein gilydd bellach yn bosibl oherwydd Crwydro (yn amodol ar ddiogelwch).
- Nid oes unrhyw ddulliau ar y cyd pellach ar gyfer ymgysylltu â'r gymuned wedi'u datblygu ers datblygiad cynllun llesiant y Bwrdd Gwasanaethau Cyhoeddus.
- Mae partneriaid yn agored i'r syniad o ganiatáu i staff o sefydliadau partner rannu desgiau o'u hadeiladau. Fodd bynnag, gwneir hyn ar sail achlysurol neu ar sail pob achos unigol.
- Nid yw'r rhan fwyaf o bartneriaid mewn sefyllfa i gynnig mynediad agored ar hyn o bryd – yn bennaf oherwydd cyfyngiadau gofod.

Daethpwyd i'r casgliad bod y cynnydd a oedd wedi'i wneud o ran cyfathrebu hyd yma yn dderbyniol.

Cytunodd yr aelodau ar yr angen i bwysleisio i aelodau a'r cyhoedd bod cyfarfodydd y Bwrdd Gwasanaethau Cyhoeddus yn agored i'r cyhoedd ac estynnir gwahoddiad i bawb.

Dywedodd Nicola Kneale (Cyngor Sir Ddinbych) wrth y pwyllgor bod gweithdy ar gyfer Cyngorau Dinas, Tref a Chymuned yn cael ei gynnig i dynnu sylw at waith y Bwrdd Gwasanaethau Cyhoeddus hyd yma a sefydlu sut/ lle y gallwn gydweithio yn y dyfodol.

PENDERFYNWYD bod aelodau'n derbyn ac yn nodi'r diweddariad.

11 RHAGLEN GWAITH I'R DYFODOL

Cyflwynwyd Rhaglen Gwaith i'r Dyfodol y Bwrdd Gwasanaethau Cyhoeddus (a ddsbarthwyd yn flaenorol) i'w hystyried. Cadarnhaodd aelodau'r rhaglen ac adroddiadau a ddisgwyliwyd yng nghyfarfod nesaf y Bwrdd Gwasanaethau Cyhoeddus ym mis Rhagfyr 2018.

- Y Wybodaeth Ddiweddaraf ar Gynnig Twf Gogledd Cymru

- Gwaith ar Flaenoriaethau'r Bwrdd Gwasanaethau Cyhoeddus
- Camau dilynol o gyfarfodydd y Bwrdd Gwasanaethau Cyhoeddus Rhanbarthol a Phapur Bwrdd Llywodraethu Rhan 9 (dyddiad i'w gadarnhau)
- Cyngor Conwy – y Wybodaeth Ddiweddaraf ar y Cynllun Corfforaethol
- Datblygu Cofrestr Risg

PENDERFYNWYD cymeradwyo'r rhaglen waith.

12 UNRHYW FATER ARALL

Dosbarthwyd adroddiad ar yr Archwiliad Ail-sefydlu Ieuenctid i'r aelodau er gwybodaeth.

Daeth y cyfarfod i ben am 12:25 p.m.